

皇朝實錄

六十
四冊

大清世祖體天隆運英睿欽文大德弘功至仁純孝
章皇帝實錄卷之一百二十九

順治十六年冬十月戊子朔頒時憲曆 享

太廟遣公愛星阿行礼 順天府奉行鄉飲酒礼

己丑

加贈殉難廣東高明縣遊擊杜豹一級予祭葬如
例廕其子進忠拖沙喇哈番

辛卯

諭吏部曰向來各衙門印務俱係滿官掌管以後
應掌印務部尚書侍郎及院寺堂上等官受事在

先者即著掌印不必分別滿漢爾部即傳諭各衙門一體遵行 陞兵科右給事中孫際昌為本科左給事中 陞廣西桂林府知府馮瑾為山西按察司副使分巡大同道刑部郎中吳來紱為山西按察司僉事分巡寧武道

壬辰

加河南巡撫賈漢復太子少保巡按李粹然一級以解完部撥協餉故也 遣山東道監察御史李贊元巡視西淮監課江西道監察御史許之漸巡視茶馬福建道監察御史余同仁巡視西浙監課

雲南道監察御史楊旬瑛巡按浙江

癸巳

諭吏部曰朕親考過翰林庶吉士熊賜履譚篆富鴻業蕭惟豫張貞生熊賜琦鄒度珙陸懋廷馬晉允崔蔚林俱著照例授翰林院官王遵訓田麟彭之鳳俞之琰王封滌郭諫陳廷敬王曰高吳植宋德宜王颺昌湯正中王鍾靈孫一致李天馥王吉人呂顯祖吳珂鳴俱著照舊教習陳敬殷觀光習學滿書有日文義荒疎足見平日全不用心好生可惡俱著革職永不叙用 裁浙江布政使司都

事按察司知事嘉興府織染局大使湖州府織染局大使長興縣舉唐平陽縣舩艘遂昌縣馬步龍泉縣慶元巡檢司巡檢上虞縣梁湖壩官吏部尚書孫廷銓言學差應停考訊仍照舊例於甲科各官中內而部即外而府道按其俸薦隨時遇缺陞補以直捷易行可以久遠無弊得旨學臣關係人才推補理宜慎選這奏事屬可行者詳察事例酌議妥確具奏

甲午

厄魯得部落俄齊爾土台濟等進貢駝馬宴賚如

例 旌表湖廣綏寧縣貞女曾女銅鼓衛烈婦何氏給銀建坊如例

乙未

補考選刑部郎中劉大謨為工科給事中 加隨征江南左路總兵官左都督揚提太子少保隨征江南右路總兵官右都督劉芳名左都督 湖廣巡按李廷松題表節婦湖廣孝感縣生員熊祚廷妻李氏年廿七夫歿時子俱在襁褓氏毀形滅性永霜自勵教子賜履成進士例應旌表下禮部議

丙申

吏部寺衙門會推江寧巡撫以候補巡撫周召南
降調外用沈文奎開列具奏得旨沈文奎係降調
外用之官久當遵旨即行調補何得延遲數年近
有降調官速補之旨仍不即補俟有巡撫好缺忽
與推用且巡撫係京堂從無降調外用官陞補之
例其中顯有情弊會推時何人倡議著據實明白
回奏 轉刑部右侍郎鍾鼎為本部左侍郎補服
闕兵部右侍郎高景為刑部右侍郎 以經畧標
下隨征拖沙喇哈番徐弘業為貴州布政使司叅
議分守新鎮道

丁酉

四川巡撫高民瞻奏報偽侯郝成裔偽伯陳建等
謀誅首逆高承恩獻上投誠及偽文武官八十員
各繳印劄未歸川南底定下所司知之 江南蘇
松巡按馬騰陞言前因京口失守特遣固山額真
駐防鎮江誠慮之周也而臣竊以為有不便者三
鎮江之民瘡痍未復傳聞兵來惶惧竄徙若果兵
臨勢必侵擾民何能安處且恐滿兵驕悍成習即
號令有不能施不便者一以重兵駐防京口者禦
海寇也必須脩備戰艘練習水師此非固山之兵

所長不便者二用兵之道將有號令兵有紀律事
權歸一兵力自優何必設此無統攝固山之兵株
守一城以虛糜兵餉而卒無當大敵不便者三臣
為要害起見為萬靈請命不得不為

皇上痛陳之疏入得旨京口要地向因防兵單弱致
海逆入寇失陷故特遣固山兵駐防馬騰陞乃云
未能禦寇輒先憂民前賊至之日鎮江闔城沒賊
理應誅戮免行追究已屬法外之仁今遣兵駐防
原以為民何為反云擾民征剿寇盜平定地方皆
滿兵之力何云滿兵驕悍成習設防之兵當水陸

兼備江寧大捷亦陸兵力戰敗賊何云非固山之
兵所長駐防之兵該固山額真自能統攝固山之
兵如有寇警該固山額真自當相機堵勦何云無
統攝固山之兵株守一城虛糜兵餉鎮江原有綠
旗兵不能禦賊地方文官不能以一矢加賊馬騰
陞身為巡方遠避他方今乃借口為地方起見妄
行條奏沽名市恩且馬騰陞係何國之人乃稱滿
兵驕悍成習是何意見俱著作速明白面奏 礼
科右給事中楊雍建言六經之道炳若日星四書
所以發明六經而集註又以發明四書為功最鉅

臣從坊中見有四書諸家辨又有四書大全辨皆以譏訕先賢傳註不為異說名教不小乞勅部毀板庶先賢傳註不為異說所奪而學術大醇人心可正矣下所司察議 午刻日生暈旁生左右珥赤黃色

戊戌

裁薊州衛遵化衛涿鹿衛密雲中衛滄州守禦所雲州守禦所龍門守禦所千總 以鑲白旗滿州固山蘇喇章京覺羅杭奇為擺牙喇甲喇章京

己亥

陞鑲白旗蒙古固山牛录章京巴達喇為甲喇章吏部言己亥進士除選庶吉吉外應照第除授知州推官知縣得旨進士初授知州品級太懸著俱以推官知縣用永著為例 以鑲紅旗滿州固山阿達哈、番宜爾特黑為甲喇章京 陞江西南昌道叅議張雲龍為山東按察司副使分巡登萊兵備道禮部郎中王輔運為湖廣按察司僉事分巡上荆南道

庚子

降補原任刑部尚書白胤謙為太常寺少卿 以

四川永寧提兵嚴自明為都督同知充江西提督
提兵官甲喇章京周國楨為都督僉事充鎮守陝
西寧夏提兵官

壬寅

陞鑲藍旗蒙古固山牛永章京拜松古為甲喇章
京

癸卯

刑部題盧慎言貪酷諸不法事鞠審皆實且誣噬
叅官問官應即凌遲處死家產併妻子籍沒入官
沒官之

甲辰

命立故三等阿思哈、番加一級劉麟圖故一等
阿達哈、番魚一拖沙喇哈番原任梅勒章京加
一級董俄羅墓碑

乙巳

以致仕二等阿達哈、番劉臣政子光漢襲職

丙午

諭吏部曰刑獄關係重大聽斷理宜速結今刑部
日行事件凡奉諭旨及由科抄者俱依限完結其
不能依限完結者必先題明至別項送審告訐等

事延遲不結者甚多應差科臣不時稽察其應行事宜尔部會同該科酌議具奏 吏部等衙門尚書覺羅科尔坤等回奏會推沈文奎情節疏言沈文奎前因遲悞白糧降三級調外用文奎又以目疾請假臣部議覆准假病痊補用後文奎未呈明病痊緣由故未補用至奉有降級官員即速補用之旨因未有文奎應補守道員缺故有未補其會推江寧巡撫者因文奎曾公議陪推孫江巡撫未便竟扣將文奎名簽帶至會推所与九卿科道說明降級調用並前次陪推緣由皆以為可因而陪

推此臣等愚昧罪自難辭惟聽處分而已疏入得旨著議政王貝勒大臣分別議處

丁未

諭礼部曰歷代大長公主公主俱有封號或以國名為號或以地名為號或別加美號俱錫以金冊本朝公主尚未加有封號尔部即詳察封號併領冊典例酌議具奏

戊申

陞戶科給事中袁懋德為兵科右給事中
已酉

授一甲第一名進士陸元文為翰林院修撰第二
名鮑亦祥第三名葉方藹俱為翰林院編修經
畧大學士洪承疇疏劾雲南巡撫林天擊擾驛剝
軍乖張諸款下所司察議諭吏兵二部曰雲南
遠重地久遭寇亂民罹水火朕心不忍故特遣大
兵用行吊伐今新經開闢必文武各官同心料理
始能休養殘黎輯寧疆圉統轄文武軍民尤不可
乏人前已有旨命平西王吳三桂移鎮雲南今思
該藩忠勤素著練達有為足勝此任當茲地方未
定之時凡該省文武官賢否甄別舉劾民間利病

因草與除及兵馬錢糧一切事務俱暫著該藩總管
奏請施行內外各衙門不得掣肘庶責任既專事
權歸一文武同心共蓄策勵事無遺誤地方早享
昇平稱朕戡亂柔遠至意俟數年後該省大定仍
照舊令各官管理其應行事宜爾等即行議奏

庚戌

經略洪承疇以目疾乞休得旨卿久任巖疆勞績
茂著今滇黔初闢正資殫慮料理覽奏目昏衰老
深軫朕懷特准解任回京調理

辛亥

諭吏部曰國家庸錫爵爰有世襲之典延賞勸忠
所關甚鉅故承襲世官必親子孫或親兄弟方無
冒濫之弊今多有宗派疏遠及但係同族同姓者
即得承襲殊違典制着議政王貝勒大臣會同詳
議定例具奏

壬子

補外轉陝西監察御史姜苗南為江西布政使司
叅議分守南昌道陞廣東海北道叅議秦鈺為浙
江按察司副使分巡杭嚴兵備道浙江杭嘉湖道
叅議李榮宗為山東按察司付使分巡懷來道山

西路安府知府楊駿為山東按察司副使分巡濟
南道福建建府知府謝祖涕為湖廣按察司副使
分巡上江防兵備道山西太原府知府宗彝為陝
西按察司副使分巡清軍驛傳兵備道直隸廣平
府知府許瑤為陝西按察司副使分巡河西道禮
部郎中王塚為江南按察司僉事分巡安廬道戶
部郎中賈壯為山西按察司僉事分巡河東兵備道
刑部郎中許熙宇為河南按察司僉事分巡大名
道禮部郎中劉源湛為湖廣按察司僉事分巡下
荆南道

癸丑

先是部覆翰林院學士折庫訥條議列旗丁田贈
烏真超哈兵收人心三款不准行其慎選綠旗官
兵一款以推補提鎮俱有定例聽用等官已分定
省分准行題用無庸另議具奏復命議政王貝勒
大臣會議至是議政王等議八旗烏真超哈兵丁
差往各處駐防以致兵力單弱請勅直隸山西陝
西山東河南及各督撫遍招英壯有產業者咨送
前來以補缺額各省提督員缺以沒應不分滿洲
蒙古烏真超哈漢人選有才幹者補授餘款仍照
部議可也得旨烏真超哈牛录內儘可增添披甲
各省如有強壯之人聽入綠旗披甲不便編入烏
真超哈牛录下綠旗兵之勇壯非關滿洲蒙古之
故有能善撫士卒加意勸懲兵自強勇提督員缺
原係烏真超哈中選擇有才者補授不必除授滿
洲蒙古聽用各官不必限定省分陞轉各省聽用
千總把總或兵丁俱着選擇保舉補授餘依議

甲寅

削奈蔓部落達爾漢郡王阿漢王爵為庶人并奪
其所屬人役以其隱匿緝爾齊恐所屬翁俄拜首

告遂杪殺翁俄拜全家故也

乙卯先是

上諭議政王大臣奕王滿達海端重王博洛敬謹王
尼堪此三王諂媚抗朕之睿王罪一及睿王死分
取人口財貨諸物夫睿王与朕抗衡与伊等并無
嫌隙伊等反取其財物罪一伊等俱係親王朕兄
弟行也乃諂事逆朕之譚泰罪一此等情事意諸
王大臣行且舉發朕姑隱忍王及諸臣不行舉發
朕故暴其罪議政王大臣六部尚書侍郎其會議
以聞至是王等遵旨會議奕王敬謹王端重王此

三王諂媚抗

上之睿王及後睿王死分取其人口財貨諸物又諂
事背

上逆行之譚泰臣等悉知但見不及此未經舉發臣
等亦復何辭奕王端重王敬謹王

太宗皇帝拔之諸子之中授為貝勒恩養有加負
先帝之恩諂事抗

主逆行之睿王罪一前既諂事睿王後睿王死伊等
飾為素有嫌怨分取人口財貨諸物罪一且親王
者以

主上宗潢昆弟故封親王之爵非為譚泰之親封之親王也不思剪除背

主逆行之譚泰反諂事之罪一伊等所行情罪重大應將此三王之子所襲親王爵俱行削除為庶人

奕王所襲親王原係伊父王爵應令多羅康郡王承襲其所屬人員應候皇上于本固山內裁撥其奴僕莊園量其給其子餘俱入官其睿王家人牲畜財貨諸物及投充漢人俱籍入官奏入得旨王與諸臣議良是但朕既經恩眷不忍終行削奪奕王端重王之子俱著為多

羅貝勒奕王所襲係伊父王爵著多羅康郡王仍襲親王其舊有奴僕莊園牲畜諸物不必入官仍

由與之所屬牛隸下人員開列來奏其睿王家人牲畜財貨諸物俱籍入官投充漢人著照多羅貝勒應得之數給與餘俱釋為民敬謹王諂事睿王分其人口牲畜財貨諸物及諂事譚泰三王皆同無異亦應加議削奪今不因其陣亡有功但念雍庸祿亦係宗室陣亡其子所襲親王仍由所屬人員奴僕諸物俱留睿王家人牲畜財貨諸物俱籍入官和碩簡親王濟度等覆戶部左侍郎林起

龍疏言蓄養兵馬貴有實濟豈可虛冒貽悞地方
應勅各該督撫按嚴察隱佔器械馬匹時加簡閱
挑選精壯自十七年秋季為始令兵部請旨差滿
臣分往各地方閱視永為定例三年一次舉行營
馬不許擅撥驛遞糧餉按月支給毋許壓欠至綠
旗兵馬俱照經制額設若減去四十萬止苗二十
萬恐兵寡勢削難以彈壓應仍舊制又稱民壯番
快等役原以捕盜因近日節省工食俱行裁減今
腹裏州縣應照舊添設但各處盜賊响馬合夥行
劫非番快等役可以捕滅無庸議設仍應責成營

將分汛設防又稱經制千把總缺但應用本營百
總旗牌哨長隊長陞補總督為封疆重臣將備以
下武職應聽酌量人地題請設捕均應加議又稱
將官親丁不可禁革養馬糧料亦應添給以浚陞
任巖疆鎮將等官隨帶親丁赴任者量准帶領開
糧定例提督養馬十五匹今准二十匹總兵養馬
十二匹今准十六匹副將養馬八匹今准十二匹
叅遊養馬六匹今准叅將養馬八匹遊擊養馬六
匹給與錢糧得旨各地方綠旗兵丁差滿洲大臣
閱視該管將領有修整器械嚴肅營伍善養兵者

差去大臣即行荐舉擢用其器械不整營伍廢弛以老弱充數虛糜錢糧者糾叅重處以示勸懲春秋二季操練兵丁事宜通飭各總督提督總兵着實奉行地方大夥劫盜著營兵捕拏其竄匿城市鄉村盜賊仍設番快緝拏守備等官缺出各該總督提督選拔勇壯効勞兵丁題補武職官有材能者准總督提督視其人地相宜題請調補 九卿科道會議逃人事例疏一刺字逃人出滿洲境外被地方官拏解者其經過州縣未查獲等官雖有解逃人功至加級陞轉不准題叙罰俸半年容留

歇宿店主責四十板一責令道官嚴行保甲每年兩次取州縣官甘結如所屬州縣官失察逃人道官降一級留任降後所屬地方查解逃人至四十五名即復還原級一出邊或在盛京与未到京之先逃走者与自京逃走者不同免刺仍鞭一百給原主如無主應入官者免鞭刺一陝西湖廣四川江南江西浙江福建廣東廣西雲南貴州所獲逃人著令速解批文限定日期如經過地方官選差不的扭鎖不嚴以致脫逃查叅草賊違限者該衙門察叅一尋取柴菜不獲惧而潛遁或往屯過限

十日之內擊獲者止鞭一百過十日者鞭刺沒之

丙辰

增設江西奉新靖安永豐龍泉萬安永新崇仁東鄉新城南豐瀘溪上饒弋陽貴溪鉛山興安樂平安義縣各一丞 增設督補滿漢司務各一員 諭翰林院曰自乙未科以後所選翰林庶吉士令習滿書俱期有裨實用恐其自謂已熟將向來所習或致遺忘朕今先加考試一次以後翰林院堂上官仍不時考課務令純熟副朕簡拔之意 諭禮部曰朝廷軫念勞臣於其身後有諭祭之典反加

謚立碑等項酬績勸忠所關甚重必其生平或行間著績或奉職勤勞乃堪承此典今凡牛录章京及拜他他喇布勒哈番等官身故者一槩諭祭於典制未合反為輕用思卹著另詳議定例具奏

丁巳

以靖南王下二等阿思哈：番曾養性一等阿思哈：番江元勳為本藩左右梅勒章京三等阿達哈：番張拱垣拜他喇布勒哈番崔承科易明拖沙喇哈番馬九玉為本藩甲喇章京拜他喇布勒哈番劉可禮拖沙喇哈番徐有才王蟒漢牛录章

章徐文耀為本藩擢牙喇甲喇章京 吏部言降級候補官員或有人無缺或缺之品級同而所降之人出身資格不同轉難遽補候人缺相當補用得旨官員初授應照出身資格既經降處着遇缺即補不必仍論出身資格 諭兵部曰江南崇明等處 捷功屢經塘報奉旨議叙其奏何至今未經議奏著察明作建議叙

卷之一百二十九終

大清世祖體天隆運英睿欽文大德弘功至仁純孝章皇帝實錄卷之一百三十

順治十六年十一月戊午朔

轉翰林院侍講學士曹本榮為侍讀學士陞國子監司業楊永寧為翰林院侍講學士

己未

宗人府言故癸王滿達海端肅重王博洛既以罪削其子所襲王爵降為多羅貝勒其謚號及碑相應追奪沒之 又言敬謹王尼堪文內有為國尽忠累著功勳實為國家屏藩等語雖蒙

皇上宥罪存其王爵但碑內所載之語與其行違或
另行撰給或因存王爵仍舊存由統惟
上裁得旨敬謹王碑文著內院另行撰給

庚申

宗人府言多羅康郡王傑書已進封和碩親王請
給封號命仍用原號刑部題周亮工被叅各款
內審實赦後賍銀一萬有奇情罪重大應立斬家
產籍沒入官承問官程之璿田緝馨盧國龍王仕
雲吳其滋孫開先徇情豁賍除程之璿已經物故
外餘俱應擬絞監候其家產并程之璿家產一併

籍沒入官其餘事內有名各犯相應援赦免罪疏
入下三法司核議 陞鴻臚寺鳴贊木獲理為本
寺少卿 補內閣撰文中書舍人兼太常寺卿祁
通格為太僕寺卿 授考選刑部郎中胡悉寧為
戶科給事中

辛酉

河道總督朱之錫乞扶母櫬歸葬

上允其暫假事竣即回任供職

壬戌

補外轉戶科右給事中法若貞為山西布政使司

叅議分守冀寧道原任山東東兗道叅議王胤祚
為浙江布政使司叅議分守杭嘉湖道陞廣東羅
定道僉事鮑開茂為本省布政使司叅議分守海
北道以公俄赫公朴爾噴為內大臣
甲子遣官祭

三皇

丙寅

冬至節祀

天子園丘遣固山貝子溫濟行礼
上自南苑出西紅門校獵是日駐蹕白家灘

丁卯

上駐蹕蘆溝橋 戶部覆貴州巡撫趙廷臣疏言黔
省曩為寇踞改衛為府改所為縣變亂舊章民苦
重役今底定之後應復舊制所有原屬廣西地方
改歸該省管轄所議甚便應從其請報可 雲南
巡撫林天擎疏劾廣西提督綠國安隨大兵進剿
雲南迤西地方大肆搶掠及奉旨回粵奸淫殺戮
暴虐更慘乞立賜處分得旨綠國安荼毒雲南地
方搶殺淫掠情罪重大著議改王貝勒大臣密速
嚴議具奏

戊辰

江寧巡按衛貞元疏言海逆犯順一時守土文武各官有効死靡他忠烈炳々者如江浦縣知縣許立達當江城失守立達挺然不降賊縛至舟中乃躡身投水天長縣知縣王辛奸民敵城勢不可支辛引佩自裁被救未死旋雉經蕭寺壽春營把總張育才禦賊于烏衣鎮手及甚多陷陣授命二令一弁烈性忠魂允宜旌表下所司議 廣東布政使司馮如京以有疾致仕 旌表節婦直隸請苑縣民劉登舉妻段氏開州民李鳴鸞妻武氏孝子

文安縣生員邢澄俱給銀建坊如例

己巳

上駐蹕玉泉山

庚午

轉翰林院侍講田逢吉為侍讀陞翰林院檢討綦汝楫為侍講

辛未

上駐蹕沙河 陞吏部稽勲司郎中劉祚遠為太常寺少卿提督四譯館 陞浙江右布政使負尽忠為湖廣布政使司左布政使

壬申

上駐蹕昌平州是日

上道經明崇禎帝陵淒然泣下酌酒于陵前復遣大

學士麻勒吉奠明太監王承恩墓免河南內湯

陰縣電災本年額賦山東沂州提兵減延齒卒

上閱明諸帝陵議改王貝勒大臣等會議會推沈

文奎各官罪擬革吏部尚書覺羅科爾坤衙門并

一拜他喇布勒哈番罰銀百兩尚書孫廷銓降三

級左侍郎石申降二級左侍郎千代右侍郎楊茂

勲草恩詔所得拜他喇布勒哈番工部尚書孫塔

削所加之級仍各罰銀一百兩留任刑部尚書杜

立德左都御史魏裔介戶部左侍郎葉成格傅麟

右侍郎鑑泰禮部左侍郎李真棠兵部左侍郎劉

達右侍郎石圖督捕左侍郎吳達禮刑部右侍郎

阿思哈工部左侍郎楊義副都御史科爾坤通政

使覺羅雅布蘭大理寺少卿張椿通政司叅議柯

士芳戶科都給事中孫光祀刑科都給事中黏本

盛工科都給事中姚延啓掌河南道事御史上官

鉉各罰俸一年禮部尚書王崇簡工部尚書劉昌

禮部右侍郎甯古里沙澄工部右侍郎張縉彥副

都御史袁懋功大理寺少卿盧興祖各罰俸半年
大理寺卿朱國治罰俸三個月得旨科爾坤免革
衙門餘俱依議

甲戌

遣內大臣伯索尼祭明崇禎帝文曰惟帝亶聰御
極致以康阜兆民為念十七年來劫必無數不
意流寇猖獗國遂以傾身殉社稷倘使遭際景運
可稱懿辟獨是續承衰緒適丁劫厄雖勵精畝治
而傾厦莫支朕念及此恒用深惻茲巡幸畿輔偶
過昌平睇望陵寢益為悽然特具牲帛酒品用照

禮祭尚饗

遣官祭明成祖仁宗宣宗英宗憲宗

孝宗武宗世宗穆宗光宗熹宗諸帝陵 諭工部

曰前代陵寢神靈所栖理應嚴為防護朕巡幸畿
輔道經昌平見明朝諸陵殿宇墻垣傾圮已甚近
陵樹木被斫伐向來護木周殊不合理爾部即將
殘毀諸處盡行修葺見存樹木永禁樵採添設陵
戶令其小心看守責令昌平道官不時嚴加巡察
爾部仍酌量每年或一次或二次差官察閱勿致
疎虞 禮部覆禮科右給事中楊雍建疏言濫刻
四書諸家辨大全辯苛書畔道駁註應令焚毀併

飭直省學臣校士務遵經傳不得崇尚異說漫之
喀爾喀部落土謝苗汗下多尔机台吉等貢馬
宴賚如例

乙亥

上駐蹕高麗營

丙子

上駐蹕通州 陞署副將管湖廣安陸副將事吳汝
鳳為江南鎮江府副將天柱叅將李孟夏為江北
壽春營副將黃州叅將佟遠為湖廣均房副將汾
州叅將郭虎為陝西靖遠副將 崑并河南召南

縣於南陽縣裁開封府知事檢校沈丘縣界首商
丘縣丁家口宜陽縣穆冊永寧縣高門閔嵩縣沒
大嶺盧氏縣欒州泌陽縣象河關汝州魯山歇馬
嶺巡祥符縣大梁驛杞縣雍丘驛尉氏縣馬驛中
牟縣圃田驛延津縣廩延驛新鎮縣永新驛許州
白馬驛襄城縣新城驛禹州清潁驛鄭州管城驛
滎澤縣廣武驛營陽縣索亭驛商丘縣商丘驛寧
陵縣甯城驛睢州丘驛安陽縣鄴城驛磁州滏陽
驛汲縣衛源驛新鄉縣新中驛獲嘉縣崇寧驛淇
縣淇門驛河內縣覃懷驛修武縣武安驛洛陽縣

周南驛偃師縣首陽驛鞏陽洛口驛新安縣函閔驛澠池縣蠡城驛聖寶縣桃林驛闔鄉縣昂湖驛南陽縣宛城驛新陽縣湍陽驛裕州赭陽馬驛葉縣洧水馬驛汝陽縣汝陽馬驛上蔡縣上蔡馬驛西平縣西平馬驛硤石驛、承祥符縣通運所延津縣廩延通運所襄城縣通運所禹州通運所湯陰縣宜溝通運所磁州通運所汲縣河平通運所新鄉通運所獲嘉縣通運所亢村通運所淇縣通運所河內縣通運所洛陽縣通運所新安縣通運所澠池縣通運所義昌通運所闔鄉縣通運所南

陽縣宛城通運所博望通運所林水通運所新野縣新野通運所葉縣保安通運所葉縣通運所大使開封府軍儲倉彰德府崇盈衛輝府廣積倉懷慶府倉河南府豐濟倉汝寧府軍儲倉大使

丁丑

上駐蹕三河縣

戊寅

上駐蹕馬神橋

皇第六子奇授生 授庶吉士富鴻業陸懋廷馬晉光蕭惟豫張貞生俱為翰林院編修鄒度珙譚

篆崔蔚林熊賜履熊賜璵俱為翰林院檢討 偏
沅巡撫袁廓宇引年乞休不允 陞正藍旗烏真
超哈牛录章京唐國政為甲喇章京

己卯

上駐蹕湯泉 陞經畧標下提督總兵官左都督太
子少保李本深為太子太保充貴州提督總兵官

辛巳

陞戶部郎中張清議為廣東按察司僉事分巡羅
定道

壬午

以尊稱與京陵為

永陵 遣官告祭

四祖陵 陞牛录章京正白旗烏真超哈愛音達為

甲喇章京

癸未

上駐蹕遵化縣

甲申

上駐蹕三屯營是日諭禮部曰禮明崇禎帝廟精圖
治十有七年不幸寇亂國亡殉社稷考其生平無
甚失德違茲厄運殊堪矜憫宜加謚號以昭實行

令謚為莊烈愍皇帝尔部即遵諭行

兵部

即中未祖法為福建按察司僉事刑部郎中劉昌
臣為山東按察司僉事尚金章為廣西按察司僉
事席教事為四川按察司僉事陝西督糧道叅議
羅森為山西按察司副使福建汀州府知府王康
侯為浙江按察司副使福建興化府知府顧鏞為
廣東按察司副使陝西慶陽府知府楊藻鳳為湖
廣按察司付使俱提調學政

丙戌

上駐蹕灤河 平西王吳三桂等疏報大兵攻取沅

江陣殲土那松偽將軍高應鳳等并獲偽印扎甚
多下所司議叙

十二月丁亥朔

蘇松巡按馬騰陞遵旨曰奏言兵火之後臣自擊
地方殘破人民流離又過鎮江見譚家洲當江口
瓜鎮之中於此建立營壘設立重兵使深明水性
之將練習舟師統於督臣亦或可濟殊未思及
廟筭神謨動出萬金特遣固山駐防原使水陸兼備
靖寇衛民臣一時愚昧發此狂論罪復何辭惟痛
自刻責仰聽處分而已疏入得旨這回奏巧言支

歸殊為可惡着吏部從重議處具奏

戊子

上駐蹕羅家屯

己丑

授四川重慶投誠偽將軍杜學都督僉事改銜
江南江西總督卽廷佐奏報偽總督陳九思乘海
寇內犯率黨金曉等攻劫浮梁等處我兵擊敗之
九思力屈投誠跪下所司 衍聖公孔興燮坐恣
意濫刑擅斃廟戶草少傅兼太子太傅

庚寅

上駐蹕北古店

陞翰林院檢討田種玉為國子監

司業陞河南右布政使桑芸為廣東布政使司左

布政使

辛卯

上駐蹕三屯營

旌表節婦湖廣孝感縣生員熊廷

祚妻李氏給銀建坊如例

壬辰

上駐蹕湯泉

甲午

上駐蹕湯泉天台山

乙未

上駐蹕薊州 叙解完雲貴協餉功加江西巡撫張朝璘太子少保

丙申

上駐蹕三河縣是日賞卮苾藍翎官員及擺牙喇并銀一萬兩 裁陝西管屯都司一員

丁酉

上駐蹕通州 轉戶部右侍郎杜篤祜為本部左侍郎陞都察院左副都御史袁懋功為戶部右侍郎

戊戌

上還宮

甲辰

陞江西按察使司薛信為浙江布政使司右布政使補原任陝西河西道副使張文炳為山東按察司副使分巡沂州兵備道

乙巳

陞都督僉事管陝西甘肅西協副將事高宗為署都督同知充鎮守四川永寧等處總兵官甲喇章京刘文進為都督僉事充鎮守廣東高雷廉等處總兵官 定世戡承襲例嫡子孫承襲外有絕嗣

者許親兄弟及親兄弟子孫共襲三世以後不許承襲其嗣養疏遠宗族之子亦不准襲 陞正藍烏真超哈固山牛录章京張朝珍為甲喇章京宗人府言端重王博洛之子塔爾納原封為多羅郡王卒後謚敏思今端重王有罪塔爾納封爵謚號併所立碑俱應追奪從之

丙午

命吏部右侍郎楊茂勳往署總督河道事務 兩廣總督李棲鳳奏報安南都統使司都統使莫敬耀遣使投誠疏下所司 諭吏部曰國子監滿官

祭酒著以太常寺少卿管國子監祭酒事滿官司業著以太常寺丞管國子監司業事尔部即遵諭行

丁未

以梅勒章京高明忠為昂邦京克鎮守江南提督漢兵總兵官

戊申

節婦鑲黃旗撒海妻綽格正黃旗努里勤妻孩蘭珠項有成妻李氏王鳳志妻包氏王玉妻劉氏正白旗努三妻未濟尼噶布喇妻三濟海正紅旗王

國英妻周氏正藍旗擺牙喇朱尔哈達妻宜墨齊
魏黑納妻鳳子大楊阿妻西代鑲藍旗撥什庫塔
把海妻費揚古牙哈納妻海銀姐墨尔革申妻三
姐烏黑妻渾姐石漢妻額什里內得勒妻佛姐張
机魯妻乃色番牙魯妻海姐俱夫故守節五十餘
歲烈婦鑲黃旗擺牙喇厄痕妻阿濟格正白旗撥
什庫艾蘇妻齊耐胡葉綠妻草特住牙三木把妻
多羅渾鑲白旗噶布什賢奇圖礼妻穆黑林噶布
什賢多拜妻們姐正紅旗粘古妻朱柰俱隨夫自
盡各給銀建坊旌表如例

已酉

贈殉難山西祁縣知縣王之昂為本省按察司僉
事廕一子入監讀書

庚戌年

封下嫁察哈尔國固倫公主為永寧長公主額爾
得尼郡王母固倫公主為延慶長公主畢尔塔噶
尔額駙所尚固倫公主為興平長公主巴牙思户
郎額駙所尚固倫公主為昌樂長公主塞布屯額
駙所尚固倫公主為和順長公主吳應熊額駙所
尚和碩公主為建寧長公主 予故戶部右侍郎

趙繼纂祭葬如例

辛亥

陞宗人府：丞陳協為都察院左都副御史
陞江南按察使姚廷著為河南布政使司右布政使
山西冀南道叅政樓希昊為江西按察司按察使
補降調漕運總督沈文奎為陝西布政使司叅政
分守督糧道太僕寺少卿吳允謙為山西布政使
司叅議分守口北道以擊敗海寇功授蘇松水
師總兵官都督同知梁化鳳三等阿達哈：仍加
左都督太子太保

壬子

議政王貝勒大臣等會覆滇撫林天擊劾廣西提
督線國安疏言國安情罪重大應提取來京詳問
虛實再議至粵西巖疆提標官兵甚眾不可不令
人代署應令廣西巡撫于該省遴選才勇總兵署
理諭兵部曰靖南王耿繼茂久鎮東粵勞績素
著今又自請移鎮効力疆場忠志可嘉著移駐廣
西該省提督線國安著帶領所統兵士來京另用

癸丑

以靖南王下故二等阿思哈：番曹仁先子燕祖

藝戰 增說國子監滿洲典簿一頁

甲寅

以歲暮行禘祭禮遣官告祭

太廟

乙卯禘祭

太廟

遣官祭

福陵

昭陵

永陵

遣官祭太歲月將之神 遣官祭五祀之神
是歲人丁戶口一千九百萬八千九百二十三

田地山蕩五百一十四萬二千一百二頃三十四

畝畦地二萬二千六百四十三個徵銀二千五百

五十八萬五千八百二十三兩有奇米麥荳六百

二十萬一千七百二十石有奇草一百二十六萬

三千四百二十二束中茶八萬七千一百五十籠

行鹽四百六十五萬九千五百九十四引徵課銀

二百六十六萬六千二百三十兩一錢鑄釐錢一

萬九千一百八十八萬五千七百一十有奇銅錢二

十一萬三千一百七十有奇鈔一十二萬八千一

百七十二貫四百七十有奇

卷之一百三十卷終

大清世祖體天隆運英睿欽文大德弘功至仁純孝
章皇帝寔錄卷之一百三十一

順治十七年春正月丁巳朔

上不御殿免行慶賀禮 朝鮮國王李柵遣陪臣表

賀冬至元旦

萬壽聖節貢方物並進歲貢宴賚如例 戊午諭禮

部曰朕荷

天眷佑纘承

祖宗鴻緒統御天下夙夜乾惕圖所以乂安海內早
底昇平十有七年於茲乃民生尚未盡遂雖嚴懲

貪官而積習未改滇黔雖入版圖而伏莽未靖征
調猶繁焦思竭力治效未臻負

上天之簡畀愧

祖宗之寄托虛

皇太后教育之恩孤四海萬民之望非朕未嘗勵精
求治寔由不德所致反覆循省罔敢即安茲欲引
咎自責祭告

天地

宗廟

社稷布告中外爾部即擇期具奏

己未

四川巡按張所志疏言蜀省鄉試中額舊例八十
四名前三科以全川未復取未及額止中七十六
名今奉有直省中額各減半之旨而適值三川俱
復之後應仍照舊例減半以鼓士氣章下所司

唐申

禮部擬正月十一日告祭

天地

宗廟

社稷從之 吏兵二部會議江南浙江失陷地池文

武各官罪江南提督馬逢知當鎮江失守擁兵不
救賊遁又不追剿應草世職並見在官職撤取回
旗前任浙閩總督李率泰督理兩者軍務不能保
固封疆應草職草任原任浙江巡撫今告病陳應
泰疏玩軍務前駐防浙江固山額真今浙江總督
趙國祚兩握兵符防禦多疎浙江總督田雄戰守
疎虞温州總兵尚好仁崑汎失陷俱應除世職外
草職草任寧台總兵常進功總理水軍勦禦不力
應草職草任浙江巡撫佟國器身任封疆籌畫未
周應降一級戴罪照舊管事前台州總兵今調京

口左路總兵張杰汎地失陷應于新任內降三級
戴罪圖功自贖駐防浙江昂邦章京科魁任內失
陷太平一處應降一級照舊管事疏入得旨馬逢
知免草職着解任回旗李率泰趙國祚田雄常進
功尚好仁俱免草職草任各罰俸一年仍戴罪圖
功自贖陳應泰補官日罰俸一年佟國器張杰科
魁俱免降級各罰俸半年委署分守上川南道
高毓若疏劾蜀撫高民瞻在重慶會夔門諸道狂
逞犯城竟棄城逃遁賴大兵急救其圍始解婪取
已故偽咸寧侯高承恩弄僮郝承裔貲三萬令承

裔密造偽璽偽敕假稱曾襲侯爵以為投誠叙功
之地此外私加銜秩甚多貪劣昭著謹列十款奏
請提問又民瞻兄具瞻乃滿洲線索六部神棍並
請先逮具瞻臨軒親審跡入命平西王詳察以聞
辛酉
祈穀于

上帝

壬戌

以甲喇章京學盛為都督僉事充鎮守山東沂
州等處總兵官裁江南蘇州鎮江徐州太倉鎮

海各衛經歷鎮江織造局大使通州通濟大使松
江運運所官毘陵孟城錫山各驛：丞
甲子孟春享

太廟 遣官祭太歲月將之神諭禮部曰

天地

太廟

社稷前擇于本月十一日祭告為期太近以雜一日
舉行今應

天壇一日

地壇一日

太廟

社稷壇同一日尔部即另選吉日具奏

乙丑

奈曼部落達爾漢郡王阿漢以罪削爵命其弟查
穆散襲之 理藩院以科尔沁國達爾漢巴圖魯
親王為郡王時所食俸暨賞賚俱視各郡王獨優
今晉封親王亦宜加優異查土謝圖親王章禮克
圖親王俸賜優于諸親王應否照例請旨定奪命
照二王例 宴朝賀元旦喀爾喀部落達爾漢親
王奔塔爾阿霸垓部落卓尔克圖郡王色爾 尔

科尔沁國郡王張維倫翁季忒部落杜稜郡王博
它和蒿齊特部落郡王阿賴克厄尔德尼教漢部
落郡王馬濟克及其勒貝子公台吉等於礼部

丙寅

諭禮部曰祭祀樂歌所以敬格神明理宜虔格今
太常寺奏樂人員平日怠于肄習以致樂章音韻
多不中節談寺各官督演不勤殊為疎玩尔部即
嚴加申飭以為務要演習精熟聲調叶和以副朕
誠敬祭典之意 以鑲藍旗烏真超哈原駐防漢
中府梅勒章京楊鳳翔滿洲固山蘇喇章京覺羅

護特俱為本固山梅勒章京 陞通政使司左邊
政李敬為宗人府之丞 陞大理寺卿朱國治為
都察院右副都御史巡撫江寧等處總理糧儲提
督軍務 增設山東登州營副將青州營都司各
一員廣東潮州水師營遊擊中軍守備各一員千
總二員總把四員 先是江南總督卽廷佐漕運
總督允得時江寧巡撫張中元以失糾按臣王秉
衡劣跡各疏回奏部議候秉衡事結再議至是吏
部言得時中元俱已物故廷佐應坐瞻徇降三級
調用但廷佐已緣事革職戴罪管事無級可降應

令解任

上以廷佐本當依議處分姑從寬免仍着留任

丁卯

兵部都察院兵科河南道會奏遵照八分法考選
革政各官鑿像衛雲麾使黃寵河南、汝總兵官
張應祥湖廣荊州總兵官鄭四維江西南贛總兵
官胡有陞直隸山永營副將張思盛陝西、寧副
將喻道真湖廣鎮草營副將畢科廣州永師古協
副將李胤香等二百一十員應分別致仕降調革
職提問議上得旨是這考選軍政官員年老有病

的勒令休致才力不及浮躁的着照例分別降調
罷軟不謹酷而無款及在官脫逃的俱着革職其
貪酷有據詳列事跡糾參的俱着革了職行各該
撫按嚴提究擬具奏 刑部審明浙江巡按牟雲
龍一案以雲龍將原參吳之榮賍銀四萬兩而妄
請脫卸不行審追情罪重大應擬斬立決命三法
司核擬

己巳

除山東濟南道參政具柱為江南按察司按察使
江西湖東道參議胡昇猷為福建按察司副使分

巡興泉道禮部郎中張純熙為四川按察司僉事
分巡松龍兵備道降補直隸霸州道副使范周為
山西布政使司參議分守冀南道 以護守

福陵總管官姚瞻護守

昭陵總管官碩塞吳巴什老俱令致仕

辛未

以致仕二等阿達哈、番夏王子萬邦襲職 順
天府舉行鄉飲酒禮 禮部再擇告祭吉期請以
二十日於

園立二十一日於

方澤二十三日於

太廟

社稷致祭從之 定文武各官捐助馬匹五十匹以上者紀錄一次一百匹以上者加一級 兵部覆
兵科右給事中袁懋德疏言凡督撫提鎮自京隨帶間甲馬匹務將兵丁年貌籍貫馬匹毛色口齒
詳明造冊送部查點印烙然後移咨戶部支給銀
餉其在外督撫兵馬應照例冊報以憑查驗其督
撫造報查驗內部兵馬冊籍亦須詳註明確以杜
頂替虛冒之弊從之 太子太保鎮守盛京昂邦

京一等精奇尼哈番敦拜卒 刑部言原任山東
巡撫耿焯婪贓六千有奇鞫審真確情罪重大應
立斬家產籍沒入官濟南知府賈一奇為耿焯心
腹婪贓六百餘兩立斬濟南同知楊桂英婪贓一
千五百有奇應立斬家產籍沒入官大廳張有才
過付銀兩濰縣知縣尚祐卿擅動庫銀媚獻耿焯
俱應立絞疏入三法司核擬

壬申

禮部覆工部都給事中姚延啓疏言各衙門大小
官員私交私宴及慶賀餽送應照職掌再行嚴禁

違犯者科道官指名特糾勅吏部從重議罪失糾者一併嚴處得旨是私交私宴着依議嚴行禁革如仍前違禁私相交結慶賀陞遷餽送盃幣及無端設宴獻酬假館陳樂長夜酣歌的科道官即行指寔糾察從重治罪如科道官徇情容隱不行糾劾一併治罪

癸酉

以追謚故明崇禎帝為莊烈愍皇帝遣固山額真伯佟六十致祭于陵寢 山東巡按程衡疏言文登縣民鞠胤良妻王氏年十九而寡守節六十餘

年堅貞苦節例應表揚下禮部議

丙子

告祭於

園丘

丁卯

告祭於

方澤

戊寅

陞廣西按察使畢振姬為湖廣布政使司右布政使管左布政使事貴州叅政管左布政使事黃中

通為廣西按察司按察使湖廣荆西道叅政顏敏
為貴州按察司按察使管本省布政使司左布政
使事 准翰林院脩撰陸元文復姓徐編脩鮑亦
祥復姓華庶吉士張煒復姓許

己卯告祭

太廟

社稷

午刻日暈

陞大理寺少卿張璠為本寺卿

裁陝西鳳翔府廣積倉臨洮府廣儲倉河州倉隴
西縣北關所甸子川錦布峪運所安定縣好地
掌所會寧縣翟家嘴大使各一員安定縣廣富倉

副使一員萃三原縣建忠渭南縣豐原華州華山
華陰縣潼津耀州順義同官縣漆水乾州威勝武
功縣邠城永壽縣永安邠州新平長武縣宜祿平
涼縣高平固原州永寧涇州安定靜寧州涇陽隆
德縣隆城安化縣弘化寧州彭原岐山縣岐周扶
風縣鳳泉寶雞縣陳倉隴西縣通遠安定縣延壽
會寧縣保寧寺驛

庚辰

上以文廟告成躬祭

先師孔子 諭吏部曰刑名關係重大須得人料

理左都御史能吐著調補刑部尚書 諭兵部曰
武科取士拔其韜畧弓馬之優者足得真才開弓
舞刀掇石俱屬虛文寔為無益以後試馬步箭論
策着照例行其開弓舞刀掇石俱不必試 裁廣
東都司斷事一員

辛巳

上省躬引咎頒詔大赦天下詔曰自古帝王統御寰
區綏安兆姓治效已臻則与天下共樂昇平化理
未奏則先臣庶反身克責敬
天勤民道不越此朕荷

皇天眷佑續承

祖宗鴻緒夙夜兢

力圖治安十有七年於茲乃民

生尚未盡遂貪吏尚未盡改滇黔雖入版圖而伏
莽未靖征調猶繁疾苦時告拯恤未周反覆思維
皆朕不德負

上天之簡畀愧

祖宗之寄托虛

皇太后教育之恩孤四海萬民之望每懷及此罔敢
即安茲于順治十七年正月二十二二十一二十三
日祭告

天地

太廟

社稷抒忱引咎自今以後元旦冬至壽節天下慶賀表章

皇太后前照常茶進朕前表章暫行停止特頒恩赦加惠元、應行事宜開列於後一自順治十七年正月二十五日昧爽以前凡官吏兵民人等有犯除謀反叛逆子孫殺祖父母父母內亂妻妾殺夫告夫奴婢殺家長殺一家非死罪三人採生折割人謀殺故殺盡毒魘魅毒藥殺人強盜妖言十惡

等真正死罪不赦外行間罪過貪官衙蠹受賍監守自盜拖欠錢糧漕糧侵盜漕糧員役及私書囑托騷擾驛遞私舟牌票六在不赦其餘死罪俱減一等軍罪以下已發覺未發覺已結正未結正咸赦除之有以赦前事告訐者不與審理以其罪之一逃人罪犯赦後三次者方坐死罪在赦前者俱免一文職官員除貪贓及大計處分失陷城池緝盜不獲罪犯越獄拖欠錢糧漕糧違悞欵件限期審事徇情舉劾不公閱卷有弊衙役作契犯贓本官不能覺察投認師生等罪不赦外見在司公

註誤議降議罰及戴罪住俸各官各該衙門奏明
寬宥一武職官員除貪贓及軍政處分失陷地方
緝盜不獲縱兵搶掠拖欠錢糧違誤欽件限期審
事徇情等罪不赦外見在司公註誤議革議降議
罰及戴罪住俸各官各該衙門奏明寬宥一順治
十六年以前直省拖欠錢糧差廉幹滿官前往清
察果係拖欠在民者俱與蠲免如係官吏侵欺者
不准援赦濫及一滿洲兵丁處：戰功勞苦該部
通行賞賚一滿洲兵披甲隨征多年效力被傷不
能披甲及年老有疾退役者酌給恩賞一征調別

省兵丁深為可憫其家口坐糧照例給發務令得
沾寔惠一自元年五月以來各地方歸順有功文
武官員人等除已叙外凡未經收錄者將歸順來
歷及歸後勞績該部察明叙陞一所在孝子順孫
義夫節婦自順治元年以後曾經各巡按御史奏
聞者仍行該按再為核寔毋事浮濫造冊報部以
憑旌表一派徵錢糧俱照萬曆年間則例其天啟
崇禎年間加增盡行蠲免通行已久如貪官污吏
例外私派多徵擾民者該督撫按題叅重處一遠
省未附地方文武各官及鄉紳士民投誠歸順者

以前負固之罪通與赦免察其功之大小各與陞
賞一因有叛逆干連原未沒賊有司將領一槩混
補擅殺者該督撫按察寔叅處一盜賊多目飢寒
失業或為貪官所迫詔書到日雖係首惡若能率
黨投首悉免其罪兵收入伍民收入籍務期得所
有能擒捕首惡及党内首告者論功授官給賞如
有因其投首乘機邀執希圖功賞者治以重罪一
天兵往過喂馬地方供應草豆運費等項以後俱
准作正項錢糧銷算如官胥通同指勒侵冒該督
撫即行糾叅隱徇者一體重處一貧民失業流離

各地方官有能賑恤全活五百人以上者核寔紀
錄千人以上者即與題請加級其有鄉宦富民尚
義出粟全活貧民百人以上者該地方官核寔具
奏分別旌勸一各處土司原當世守地方不得輕
聽叛逆招誘自外王化凡未經歸順今來投誠者
開具原管地方部落准與照舊襲封有擒執叛逆
來敵者仍厚加陞賞一已歸順土司官曾立功績
及未經授職者該督撫按官通察具奏論功陞授
於戲乾行惕厲用昭內省之誠 澤旁流式布維
新之治誕告中外咸使聞知 免陝西洮州衛十

六年分水災額賦 贈浙江海門殉難遊擊李宏
德一級廕一拖沙喇哈番 禮科右給事中楊雍
建疏曰臣聞朋黨之害每始終草野而漸中於朝
宇按本塞源尤在嚴禁社盟臣聞社之習所在多
有而江南之蕪松浙江之杭嘉湖為尤甚其念始
于好名其實因之植黨相習成風漸不可長請勅
部嚴飭學臣寔心奉行約束士子不得妄社名其
投刺往來不許用社盟字樣違者治罪倘奉行不
力糾叅處治則朋黨之根立破矣得旨士習不端
結社訂盟把持衙門閑說公事相煽成風深為可

惡着嚴行禁止以後再有這等的各該學臣即行
稟點叅奏如學臣隱洵事發一體治罪

壬午

轉通政使司右通政劉士蘭為左通政陞山西河
東道叅政王天眷為通政使司右通政陞山西河東
兵糧道僉事季昌齡為光祿寺少卿 以鑲白旗
阿達哈、番夏柱為駐防江寧固山大 陞廣西
江右道叅議盛藻為山西按察司副使河東兵備
道補原任陝西莊浪道副使佟養鉅為山西按察
司副使冀南道浙江督糧道叅議楊陞為山東布

政使司叅議濟南道降補原任陝西莊浪道副使
韓志道為江西布政使司叅議湖東道 以故二
等阿達哈：番特錫倫子佛釋三等阿達哈：番
通議子訥爾泰察哈賴多訥弟訥木準鄂內子孫
柱滿濟侄訥木齊岱色冷子勞米拖沙喇哈番黃
柱子阿納達滿都子木訥圖各襲職 拖哈喇哈
番察哈賴噶爾馬色冷緣事以其弟理塔爾襲職
以平南王下拜他喇布勒哈番盛登科子世白
襲職 以陣沒何九成子自揚陳武子英俱襲拖
沙喇哈番仍命自揚歸桂林中衛左所英歸江南

吳平衛左所

甲申

陞江南蘄松水師總兵官梁化鳳仍以太子太保
左都督充提督江南蘄松常鎮等處總兵官甲喇
章京馬呈禎為都督僉事充鎮守河南：汝等處
總兵官 免山東莒州沂州寧陽郟城金鄉單日
照城武勝曲阜諸城沂水等縣十六年水災額賦
經畧大學士洪承疇再疏劾雲南巡撫林天縈
言臣前疏但知天擊乘戾情狀今復廉得種：穢
蹟謹列款奏聞祈勅部察議其臨沅道張柔嘉楚

雄知府徐泰來雲南知府余秉衡俱有行賄証據
應行提審天擊舊役李以揖委署縣丞尤屬冒濫
至於保舉非人臣不敢辭咎得旨據泰林天擊賍
私狼籍着革了職張柔嘉也着革了職徐泰來余
秉衡李以揖着革了任併本內有名人犯該督會
同平西王質審追擬具奏卿不必引咎

乙酉

萬壽節

上以治效未臻方在省躬引咎免行慶賀禮 遣官
祭

太廟

福陵

昭陵

永陵

遣官祭真武東嶽城隍之神



